

جریدہ علمیہ

مشختہ جلیلہ، اسلامیہ نمک، جریدہ، رسیہ سیدر

غرة شوال سنہ ۱۳۳۲

عدو : ۱

آبدہ بر نشر اولنور

برنجی سنہ

قانون صورتیدر :

- ماده : ۱ تنسيق قوميسيونلرنجه ابتداءً وتدقيق تنسيقات قوميسيونلرنجه اعتراضاً ويرلش اولان قرارلرده شوراي دولت مالكيه دائره سنجه درجه اخيره ده ويريلان قرارلر كي قطعيدر. بعد ازين تنسيق و ذيل تنسيق قانونلري هيچ بروجله تطبيق ايديله ميه جكدري.
- ماده : ۲ بيك اوچيوز يكرمي يدي سنه سي موازنه ماليه قانوننك تنسيق قانوننك يدينجي ماده سني معدل اولان اون بشنجي ماده سنك حكمي باقيدر.
- ماده : ۳ اشبو قانون تاريخ نشرندن اعتباراً مرعي الاجرادر .
- ماده : ۴ اشبو قانونك اجراي احكامنه هيئت وكلا مأموردر.
- قوة اجرائيه جه ۱۴ محرم سنه ۱۳۳۲ تاريخنده ۱۹ كانون اول سنه ۳۲۹ تاريخنده تنظيم وموقتاً موقع تطبيقه وضع ايديلان اشبو لايحه قانونيه ۶ تموز سنه ۳۳۰ تاريخنده مجلس عموميجه قبول ايدلمشدر .
- مجلس اعيان ومبعوثانجه قبول اولنان اشبو لايحه نك قانونيتي وقوانين دولته علاوه سني اراده ايلدم .
- ۱۰ رمضان ۱۳۳۲ ۲۰ تموز ۱۳۳۰

محمد رشاد

داخليه ناظري	حريه ناظري	شيخ الاسلام و اوقاف هايون ناظري	صدر اعظم وخارجيه ناظري
طلعت	انور	خيري	محمد سعيد
نافعه ناظري	ماليه ناظري	بحريه ناظري	عدليه ناظري وشوراي دولت رئيس وكيلى
محمود	جاويد	احمد جمال	ابراهيم
پوسته وتلغراف وتله فون ناظري	معارف ناظري	تجارت وزراعت ناظري	سليمان البستاني
اوسقان	احمد شكري		

—•••••—

فتاوى شريفة

حج :

اوزرينه حج فرض اولان هندك قابل زوال اولميان عجزى اولمغله بنفسها جه كيمكه قادره اوليوب زيدى كندو دن حج ايتك ايچون نائب ايدوب زيد دخى واروب هند طرفندن حج ايلسه صحيح اولورمى. الجواب : اولور .

*
* *

نکاح:

هند بالغه نفسی مهر مثلیله کفوی زیده تزویج ایلسه هندك باباسی عمرو اذنی بولنمادی
دیو عقد مزبوری فسحه قادر اولورمی. الجواب : اولماز.

*
**

هند زیدك عین ایدیكنی بلدین نفسی زیده تزویج ایدوب بعده عنتی ظاهره اولمغله
هند زیدی حاكه برسنه تأجیل ایتدردكدنصكره برسنه مرور ایدوب زید هنده واصل
اولماسه هند كندونی حاكه تفریق ایتدرمكه قادره اولورمی. الجواب : اولور.

*
**

زید زوجہ سی هندك لابوین قز قرنداشی قزی زینبی تزوج ایدوب هند ایله جمع
ایتمك جائز اولورمی. الجواب : اولماز.

*
**

هند بالغه نفسی شهود محضرلرنده زیده تزویج ایتدكدنصكره هند نادمه اولوب
عقد مزبوری فسحه قادره اولورمی. الجواب : اولماز.

*
**

هند صغیره ممیزه ولیسی اذنسز نفسی زیده تزویج ایلسه عقد مزبور نافذ اولورمی.
الجواب : اولماز.

*
**

هند صغیره یولی اقربنی لابوین همی زید مهر مثلیله کفوی عمروه تزویج ایلسه
هند بالغه اولدینی آنده نفسی اختیار و اشهاد ایدوب عمروك حضورنده عقد مزبوری
حاكه فسح ایتدرمكه قادره اولورمی. الجواب : اولور.

*
**

زیدك قرنداشی عمرو زوجہ سی هندی طلیق ایلسه زید هندی بعد انقضاء العده
تزوج ایتمك جائز اولورمی. الجواب : اولور.

*
**

مهر:

زید هندی شو قدر غروش مهر تسمیه سیله تزوج و دخول ایتدکنصکره زید
 هندی طلاق رجعی ایله تطلیق ایدوب عدتی ایچنده مراجعت ایلسه هند زید ذمتده
 اولان مهر مؤجلتی زیددن آلمغه قادره اولورمی. الجواب: اولور.

*
 **

هند صغیره یی ولی اقربی زید مهر مثلیله کفوی عمر و صغیره تزویج ایدوب عمروک
 باباسی بکر دخی قبول ایتدکنصکره عمرو فوت اولوب مالی اولماسه بکر مهره ضامن
 اولمش دکل ایکن هندک وصیسی بشر بکره مجرد عمروک باباسی اولمکله هندک مهرینی
 مالکدن ادا ایله دیو جبره قادر اولورمی. الجواب: اولماز.

*
 **

رضاع:

هند زیدک لابوین قز قرنداشی قزی زینی مدت رضاعده ارضاع ایلسه زید هندک
 قزی خدیجیه یی تزوج ایتمک جائز اولورمی. الجواب: اولور.

*
 **

زید رضا قرنداشی هندک نسباً قز قرنداشی زینبک نسباً قزی خدیجیه یی تزوج مزاد
 ایتدکده زینب و خدیجه زیدک والده سنی امشله اولمایجق خدیجیه یی تزوج جائز اولورمی.
 الجواب: اولور.

*
 **

زید صغیر اغلا دقده مرضعه اولیوب مهنسنگ سودی اولیان هند زیدی اسکات
 ایچون مهنسنی زیدک آغزینه ادخال ایدوب زید مص ایتدکده سود کلاسه مجرد هند مهنسنی
 آغزینه ادخال ایتمکله حکم رضاع ثابت اولوب زید هندک رضاعاً اوغلی اولمش اولورمی.
 الجواب: اولماز.

*
 **

هند زیدک لابوین قز قرنداشی قزی زینی مدت رضاعده ارضاع ایلسه زید هندک
 قزی خدیجیه یی تزوج ایتمک جائز اولورمی. الجواب: اولور.

*
 **

طلاق :

زید زوجه مدخول بهاسی هندہ خطاباً «سنی آلامق شرطیله بوشادم» دیسه واقع
اولان طلاق رجعی اولیوب باین اولورمی . الجواب : اولور .

*
**

زید زوجه سی هند حره بی انحق ایکی طلاق باین ایله تطلیق ایلسه زید هندی
رضاسیله بلا حله تزوج ایتمک جائز اولورمی . الجواب : اولور .

*
**

زید «فلان فعلی ایشلرسم غورتم اوچ طلاق بوش اولسون» دید کدنصکره زید اول
فعلی ایشلمدین زوجه سی هندی بر طلاق ایله تطلیق ایدوب عدتی منقضیه اولدق دینصکره
زید اول فعلی ایشلیوب بعده هندی تزوج ایلسه زید اول فعلی ینه ایشلیجک شرط
مزبورہ بناءً هند زیددن اوچ طلاق بوش اولورمی . الجواب : اولماز .

*
**

هند زوجی زید ایله مهری اوزرینه خلع و زید قبول ایتد کدنصکره زید تجدید
نکاح ایتمدین هند ایله ازواج معامله سنه قادر اولورمی . الجواب : اولماز .

*
**

هندك زوجی زید هندك باباسی عمرو ایله ماله متعلقه دعواسندن صلح اولدقده زید
عمروه «سندہ وقز کده علاقہ م یوقدر» دیوب لکن طلاق نیت ایلماسه بویله دیمکله هند بوش
اولورمی . الجواب : اولماز .

*
**

زید آخر دیاره کیتد کده زوجه سی هندہ معنوں و مرسوم مکتوب یا زوب مکتوب بنده «بندن
بوش اول» دیو تحریر و مکتوبی هندہ ارسال ایلسه هند بوش اولورمی . الجواب : اولور .

*
**

زید هندی تزوج ایدر اولدقده طلاق امری هندك النده اولوب هند دیلدیکی
وقتده کندویی تطلیق ایتمک اوزره تزوج ایلسه ایجاب هند طرفندن اولیجق هند نفسی
تطلیقه قادره اولورمی . الجواب : اولور .

*
**

زید «قاین آتام عمروك منزله كير رسم شرط اولسون» دید کدنصكره زید عمروك منزله كیروب مرادی عورتم بوش اولسون دیمك اولمغله زوجة مدخول بهاسی هند طلاق رجعی ایله بوش اولسه طلاق اخیر اولمایحق زید هنده عدتی ایچنده مراجعت ایدوب تجدید نکاح ایتمدین هند ایله ازواج معامله سنه قادر اولورمی . الجواب : اولور .

*
**

زید «فلان فعلی ایشلرسم زوجهم هند اوچ طلاق بوش اولسون» دید کدنصكره زید اول فعلی ایشلره هند زیددن اوچ طلاق بوش اولورمی . الجواب : اولور .

*
**

زید زوجهمی هنده «سن بنم عورتم دكاسك» دیوب لكن طلاق نیت ایتماسه مجرد بیویله دیمكله هند زیددن بوش اولورمی . الجواب : اولور .

*
**

زید زوجة مدخول بهاسی هندی طلاق رجعی ایله تطلیق ایدوب بعده هندك عدتی ایچنده زید فوت اولسه هند زیده وارثه اولورمی الجواب : اولور .

*
**

زید «عمروه اولان شو قدر آنچه دینی فلان زمانهك ادا ایتمزسم عورتم بوش اولسون» دید کدنصكره اول زمان مرور ایدوب دین مزبوری ادا ایدمه مامكله زوجة مدخول بهاسی هند طلاق رجعی ایله بوش اولسه طلاق اخیر اولمایحق زید هنده عدتی ایچنده مراجعت ایدوب تجدید نکاح ایتمدین هند ایله ازواج معامله سنه قادر اولورمی . الجواب : اولور .

*
**

زید زوجة مدخول بهاسی هندی طلاق رجعی ایله تطلیق ایتد کدنصكره طلاق اخیر اولمایحق زید هنده عدتی ایچنده مراجعت ایدوب تجدید نکاح ایتمدین هند ایله ازواج معامله سنه قادر اولورمی . الجواب : اولور .

*
**

زید مجنون جنونی حالده زوجہ سی ہندہ بدن اوچ طلاق بوش اول دیسہ ہند
اوچ طلاق بوش اولورمی. الجواب: اولور.

*
**

زید محرماتدن اولان برشیئی طایعاً اکل ویا شربدن طولای سکران ایکن زوجہ سی
ہندی طلاق ثلاثہ ایله تطلیق ایلسہ ہند زیددن اوچ طلاق بوش اولورمی. الجواب: اولور.

*
**

حضانہ:
ہند زوج مطلق زیددن اولان صغیرہ قزی زینی بحق الحضانہ تربیہ اوزرہ ایکن
زینب طقوز یاشنی تکمیل ایدوب مشتہاۃ اولسہ زید زینی ہنددن آلمغہ قادر اولورمی.
الجواب: اولور.

*
**

ہند صغیرہ نک حق حضانہ سی باباسی زیدک اولیوب لابوین خالہ سی زینبک اولورمی.
الجواب: اولور.

*
**

ہند صغیرہ نک اناسی و حاضنہ سی زینب نفسنی صغیرہ یہ اجنبیہ تزویج ایدوب
صغیرہ نک باباسنک اناسی خدیجہ دن غیری حاضنہ سی اولماسہ خدیجہ صغیرہ یی زینب دن
آلوب بحق الحضانہ تربیہ وامسا کہ قادریہ اولورمی. الجواب: اولور.

*
**

زید صغیرک آناسنک اناسی ہند ایله باباسنک اناسی زینب دن غیری کمنہ سی اولماسہ
صغیرک حق حضانہ سی ہندک اولورمی. الجواب: اولور.

*
**

ہند زوج مطلق زید معسردن اولوب حضانہ سندہ اولان صغیر اوغلی عمروک
مالی اولامغله زیددن نفقہ واجرت طلب ایدوب بسلامک استدکدہ زیدک اناسی زینب موسرہ
بن صغیری بلا اجر بسلیوب ہنددن منع ایتم دیسہ حاکم ہندہ «صغیری بلا اجر امساک
ایله یا خود زینبہ ویر» دیمکہ قادریہ اولورمی. الجواب: اولور.

*
**

نَفَقَه:

زوجی اولیان هند فقیره نك لابوین عمی زید موسردن غیری كمنه سی اولماسه
هندك نفقه سی زید اوزرینه لازمه اولورمی. الجواب: اولور.

*
**

زوجی اولیوب فقیره اولان جنی نام صغیره نك اناسی معسره فانی ایله موسرلر
اولان لابوین عملری نسیم وآورام ویاسف وداویددن غیری كمنه سی اولماسه صغیره نك
نفقه سی آناسی اوزرینه لازمه اولیوب یالكز عملری اوزرینه لازمه اولورمی.
الجواب: اولور.

*
**

فقیر ومحتاج اولان زیدك اوغلی عمرو موسردن غیری كمنه سی اولماسه زیدك نفقه سی
عمرو اوزرینه لازمه اولورمی. الجواب: اولور.

*
**

زوجی اولیان هند فقیره نك لابوین ار قرنداشی زید موسردن غیری كمنه سی اولماسه
هندك نفقه سی زید اوزرینه لازمه اولورمی. الجواب: اولور.

*
**

ارث:

هند معتقه فوت اولوب آنحق کندوی آزاد ایدن زیدك اوغللری عمرو وبکر وبشر
وخالدی ترك ایتدكه تركه هند مزبورلره سویاً ویرلسه صحیح اولورمی الجواب: اولور.
بو صورتده زیدك قزلری دخی هنده وارته اولورلری. الجواب: اولمازلر.

*
**

زید فوت اولوب آنحق زوجیه سی هندی ترك ایتدكه تركه زید درت سهمدن
اولوب بر سهمی هنده ویریلوب باقی اوچ سهمی بیت الماله وضع اولنق لازم اولورمی.
الجواب: اولور.

بو صورتده آناسنك آناسی اصلنده اصلارق طاری اولماق معناسنه حرة الاصل

اولان زیدك آناسنك باباسنی اعتاق ایدن عمروك اوغلی دخی زیده وارث اولورمی.
الجواب : اولماز .

*
**

زید فوت اولوب زوجہ سی ہندی ولابوین عمی عمروی ترک ایتدکده ترکہ زید
درت سہمدن اولوب برسہمی ہندہ اوچ سہمی عمروہ ویرلسہ صحیح اولورمی. الجواب :
اولور .

بوصورتہ زیدك عمہ سی وعمی اولادی دخی زیدہ وارث اولورلرمی. الجواب : اولمازلر .

*
**

مدیونا فوت اولان زیدك دیونتی ادا ترکہ سنی بین الورثہ قسمت اوزرینہ مقدم اولورمی.
الجواب : اولور .

*
**

ہند فوت اولوب انحق لابوین عمی اوغلی زیدی ترک ایتدکده زید ترکہ ہندی
احرازہ قادراولورمی. الجواب : اولور .

بوصورتہ ہندك قرنداشی قزی دخی ہندہ وارثہ اولورمی. الجواب : اولماز .

*
**

وصیت :

زید مرض موتندہ ثلث مالی قرنداشی اوغلی اولوب وارثی اولیان عمروہ وصیت ایتدکدن
صکرہ مصرأ فوت اولسہ ورثہ سی وصیتی طوتماغہ قادراولورلرمی. الجواب : اولمازلر .

*
**

زید «فوتمدن صکرہ مالمدن بشیوز غروش ایلہ عمرو بنم ایچون حج ایلہ» دیو وصیت
ایدوب مصرأ فوت اولدقدن صکرہ ورثہ سی ترکہ دن بشیوز غروش زید ایچون حج
ایتمک ایچون عمروہ ویروب عمرو دخی اوچیوز غروش ایلہ زید ایچون حج ایدوب
ایکیوز غروش فضلہ قالوب زید فضلہ یی عمروہ وصیت ایتمش اولماغلہ عمروہ اول فضلہ یی
ورثہ زیدہ رد ایتمک لازم اولورمی. الجواب : اولور .

*
**

زید وصیلری اولدینی صغارك ماللرندن صغارك نفقه و كسودلرینه قدر معروف صرفنده
یمینله مصدق اولورمی. الجواب : اولور.

وقف :

بروقفك غله سی قدیمدن بر جهته صرف اولنوركن حالا متولی مصرف قدیمی تغیر
ایدوب غله مزبورہ بی جهت اخرایہ صرفه قادر اولورمی. الجواب : اولماز.

*
**

بروقفك متولسی اولوب امانت واستقامت ایله معروف اولان زید وقفك مستغلاتی
تعمیرینه غله وقفدن بر مقدار اچقه صرف ایدوب بعده ناظری عمرو زیدی محاسبه یه
دعوت ایدوب زید محاسبه یه حضوردن امتناع ایتمکله برقاچ سنه وقفك محاسبه سی کورلیوب
حالا محاسبه کوردکلرنده مفردات مصارف زیدك خاطرندن کیتمکله زید شیناً فشیناً مصارفی
بیان ایدمیبوب بطریق الاجمال مصروفم شوقدردر دیو یمین ایدوب و دیدیکی مقدار
دخی معروف ایکن عمرو یاخود حاکم البته مفردات مصارفکی بیان ایله دیو زیده جبره قادر
اولورمی. الجواب : اولماز.

*
**

زید وقفك غله سندن یومی شو قدر اچقه وظیفه ایله بر جامع شریفده درس عاملق
شرط ایدوب بعده اول درساملغه عمرو برات ایله متصرف ایکن جامع شریف حریقده
محترق اولوب اول محله تدریس ممکن اولماغله عمرو رأی حاکمله وقفك ناظری معرفتیله
جامع بنا اولننجه آخر محله شوقدر ایام تدریس ایدوب اداء خدمت ایلسه حالا عمرو
متولیدن اول ایامك وظیفه سنی طلب ایتدکده متولی وقف جامعه تدریس اولنمادی
دیوب ویرمامکله قادر اولورمی. الجواب : اولماز.

*
**

بروقفك غله سی قدیمدن بر جهته صرف اولنوركن حالا متولی مصرف قدیمی تغیر
ایدوب غله مزبورہ بی جهت اخرایہ صرفه قادر اولورمی. الجواب : اولماز.

*
**

مضمونى ثابت اوليوب قديم دن عمل اولنه كيان وقفه ايله عمل جائز اولور مى . الجواب : اولمور .

*
**

ماقول شيخ الاسلام دام بابه مرجع الانام فى متولى وقف ادعى على زيدان العقار الذى فى يده وقف فافر زيد بان عرصه العقار وقف وادعى ان ابنة ملك له ورثه عن امه فدفعه المتولى بان ام زيد كانت من مدة دون ست وثلاثين سنة وكلت عمروا بان يقر من قبلها ان ارض العقار وقف وقد فعل عمرو ذلك وكتب امضائها فى سند ذلك الاقرار فبذلك الاقرار يدخل البناء فى المقريه تبعا ويكون وقفا ايضا فهل يصح دفع المتولى عمروا اذا ثبت تلك الامور على الوجه المشروع . الجواب : نعم يصح .

وقف اقرار

ماقول شيخ الاسلام دام بابه مرجع الانام فيما اذا ادعى زيد المتولى الواضع يده على داران اباد وقفها على سكناء يريد بدعواه دفع معارضة ابن اخيه عمرو فيها فقال عمرو ان الدار كانت ملك جدى ورثها منه ابى وزيد مناصفة وبوفاة ابى انتقل نصيبه الى واقام على ذلك بينة فهل يكون نصيب عمرو من الدار له يفعل به ماشاء ونصيب زيد وقفا على ما اقربه .

الجواب : نعم يكون نصيب عمرو له ونصيب زيد وقفا .

*
**

زيد واقف وقفه معمول به اسنده «وقفت على اولادى واولاد اولادى ما تعاقبوا وتناسلوا» على حسب فرائض الله تعالى للذكر مثل حظ الانثيين الاقرب فالاقرب الحاجب مقدم على المحجوب كافي الارث» ديو تحرير ايتمكله واقفك اولادندن عمرو وبكر وبشر وهند وقف مزبورك غله سنه شرط واقف اوزره متصرفلر ايكن عمرو فوت اولوب اوغلى خالد ايله قزى زينبى بكر دخى فوت اولوب اوغلى وليد ايله قزى خديجهى بشر دخى فوت اولوب اوغلى سعيد ايله قزى رقيهى هند دخى فوت اولوب اوغلى اسعد ايله قزى عايشهى ترك ايلسلر اسعد وعائشهيه وقفدن حصه ويرليوب خالد وزينب ووليد وخديجه وسعيد ورقه غله وقفى يتلر نده للذكر مثل حظ الانثيين اقتسام ايلسلر صحيح اولور مى . الجواب : اولور .

*
**

هند اجارتين ايله تصرفنده اولان منزلى زيده فراغ ابتد كده متولىعى عمرو لسانا .

اذن و یروب لکن فراغه تمسک تحریر اولماسه هند مجرد تمسک تحریر اولنماغله فراغ
معتبر اولماز دیو اول منزله مداخله یه قادره اولورمی. الجواب : اولماز .

*
**

زید متولیسى اولدیغی وقفك غله سندن شوقدر آچیهی قبض ایتدکدنصکره مجهلاً
حقوت اولسه ترکه سندن ضمان لازم اولورمی. الجواب : اولماز .

*
**

اراضی :

بيك اوچوز اوتوز بر سنه سی ربیع الاولك یکرمی یدنجی کونی تاریخی فرمان
عالی نك نشرندن مقدم زیدك اوغلی عمرو ایله عمروك قزی هند متعاقباً وفات ایتدکدنصکره
زید اراضی امیریه دن بر تارلایه طاپو ایله متصرف ایکن فوت اولسه هندك اوغلی بکر اول
تارلانك حق انتقاله نائل اولورمی . الجواب : اولماز .

بوصورتده زیدك اصحاب انتقالدن کمنه سی اولماغله صاحب ارض اول تارلای
طاپوی مثلیه تفویض ایتک ایستدکده بکر مجرد بن زیدك اوغلنك قرینك اوغلی اولمامله
اول تارلا عادیاً بکا انتقال ایدر دیو صاحب ارضی منه قادر اولورمی . الجواب : اولماز .

*
**

اراضی ، فراغ و انتقال :

زید اراضی امیریه دن طاپو ایله تصرفده اولان تارلای عمروه فراغ وتسليم ایدوب
لکن اذن صاحب ارض بولماسه فراغ مزبور معتبر اولورمی. الجواب : اولماز .

بوصورتده اذن صاحب ارض بولمدين زید فوت اولوب آنجق اوغلی بکری وقزی
هندی ترك ایتدکده مزبورلر بر موجب امر سلطانی اول تارلانك خرج انتقالی صاحب
ارضه ادا ایله اول تارلای عمرودن الوب بلا بدل سویاً ضبط ایتک ایستدکرنده عمرو
مفراغ مزبوره بناء مزبورلری منه قادر اولورمی. الجواب : اولماز .

*
**

زید اراضی امیریه دن طاپو ایله تصرفده اولان تارلای اذن صاحب ارضله اوغلی

عمروه فراغ ایتد کدنصکره زید فوت اولسه زیدک سائر اولادی اول تارلایه مداخلهیه
قادر اولورلرمی الجواب : اولمازلر .

*
* *

زید عمرو ایله اراضیء امیریهدن علی الاشتراک متصرف اولدیغنی تارلادن حصه سنی
بکره اذن صاحب ارضله بر مقدار آچه بدل مقابله سنده فراغ وتسلیم ایتد کدنصکره حالا
عمر وشریک و خلیط اولغله بر موجب امر سلطانی بش سنه کچمه دن طاپوی مثانی ویروب
حصهء مرقومه بی بکردن المغه قادر اولورمی. الجواب : اولور .

*
* *

زید اراضیء امیریهدن طاپو ایله تصرفده اولان تارلای شو قدر آچه بدل مقبوض
مقابله سنده عمروه فراغ وتسلیم ایدوب لکن اذن صاحب ارض بولماسه فراغ مزبور
معتبر اولورمی. الجواب : اولمازلر .

بوصورتنده زید بدل مرقومی عمروه رد ایدوب اول تارلای عمرودن آلق ایستدکه
عمروه فراغ مزبوره بناء زیدی منه قادر اولورمی. الجواب : اولمازلر .

*
* *

اراضیء حق قرار :

زید یدنده طاپو سندی اولمادیغنی حالده اراضیء امیریهدن بر تارلای بلانزاع اون سنه
ضبط وتصرف ایلسه زید اول تارلایک محلول وتصرف مذکورک بغیر حق اولدیغنی
اقرار واعتراف ایتمایجک زید ایچون حق قرار ثابت اولوب بر موجب امر سلطانی یدینه
مجاناً طاپو سندی ویرلمک لازم اولورمی. الجواب : اولور .

*
* *

زید ملک عرصه سنی عمروه شو قدر غروشه بیع وتسلیم ایتد کدنصکره عرصه
اوزرنده بولتان بنائی بیعده داخل دکلدر دیو قلعه قادر اولورمی. الجواب : اولمازلر .

*
* *

زید صغیره قاضی عمروی وصی نصب ایتدکن صکره زید رشید اولدینی حالده بالغ اولدقده عمروک یدنده اولان مالنی عمرودن آلمغه قادر اولورمی. الجواب : اولور .

بوصورتده زید بالغ ورشید اولدقدن صکره بعض اشیاسنی بکره بیع ایلسه مجرد رشده حکم شرعی اولمدین واقع اولان بیع صحیح اولماغله اشیاء مزبورہ نی بکردن الورم دیمکه قادر اولورمی. الجواب : اولماز .

*
**

زید آخر دیارده اولان اشیاسنی ثمن معلوم مقابلنده عمروه بیع ایتدکن صکره زید تادم اولوب مجرد قبض بولنمادی دیو بیعی فسخه قادر اولورمی. الجواب : اولماز .

*
**

اجاره :

اجرت ایله خدمت ایدر مقوله سندن اولان زید اجرت قولنسز عمروک طلیله بر مدت عمروه خدمت ایلسه زید خدمتک اجرمثلنی عمرودن آلمغه قادر اولورمی. الجواب : اولور .

*
**

کفالت :

زیدک عمرو ذمتده قرضدن اولان شوقدر آقچه حقنه بکر کفیل اولور اولدقده طقسان برکونه دک کفیل دیوب بووجهله کفیل اولسه زید طقسان برکون مرور ایتمدین کفالت مزبورہ یه بناء بکری مطالبه ایده میوب طقسان برکون مرورنده مطالبه یه قادر اولورمی. الجواب : اولور .

*
**

هبه :

هند ملک منزلنی اولنجه کندوی بسلمک اوزره زیده هبه وتسلیم ایدوب زیددخی هندی بسارکن هند فوت اولسه ورثه سی هبه نی طوتماغه قادر اولورلرمی. الجواب : اولمازلر .

*
**

زید مرض موتنده ملک منزلنی اوغلی عمرو کیره هبه وتسلیم ایتدکن صکره زید

فوت اولسه سائر ورثه سی هبه یی طوتمیوب اول منزلی میرانه ادخاله قادر اولورلرمی.
الجواب : اولورلر .

*
**

قسمت :

زید متوفانك ورثه سی تركه زیدی اقسام ایتدکلرندنسکره ایچلرندن عمرو استیفای
حقه اقرار ایتدین حصه مده غبن فاحش واقع اولمشیدی دیو دعوی وغبن فاحشی اثبات
ایدیجك تركه یی قسمت عادلله ایله قسمت ایتدیرمکه قادر اولورلرمی. الجواب : اولور .

*
**

زید وعمرو اراضی امیره دن علی الاشتراك طاپو ایله متصرف اولدقلری تارلایی اذن
صاحب ارضله اقسام ایتدکلرندنسکره زید نادم اولوب بغیر وجه قسمت مزبورده یی تقضه
قادر اولورلرمی. الجواب : اولماز .

*
**

قرنداشلر اولان زید وعمرو بابالری بکر متوفان کندولره ارثاً انتقال ایدن مال
مشترك ایله برمدت معاً کسب وتجارت ایدوب شو قدر فائده تحصیل ایلسلر زید وعمرو
اول فائده یی برابر اقسامه قادر اولورلرمی. الجواب : اولورلر .

*
**

امر :

زید عمروه نیم عرصه مده ملك کرومکی غرس ایدوب باغ ایله عرصه وکروم بینمزمده
مشترک اولسون دیمکه عمرو دخی ملك چوقلرینی عرصه مزبورده غرس ایدوب باغ
ایلسه زید عمروه عملنك اجر مثلی ایله چوقلرینك قیمتی ویروب باغی مستقلاً ضبطه
قادر اولورلرمی. الجواب : اولور .

*
**

صلح :

زید عمرودن ذمتکده شوقدر آقچه حقم واردر دیو دعوی وعمرو انکار ایتدکه

عمرو دعویٰ منبرورہ دن صلحہ طالب اولسہ عمرو مجرد دعوان صلح طلب ایتککہ
دین منبروری اقرار ایتش اولورمی. الجواب : اولماز.

*
* *

اقرار :

زید مرض موتندہ «منزل ایچندہ اولان جمیع اشیا زوجہم ہند کدر» دیواقرار ایتد کدنصکرہ
زید فوت اولوب سائر ورثہ تصدیق ایتہ سہلر ہند اقرار منبرورہ بناءً اشیا مرقومہ بی
میراثہ ادخال ایتدیرمیوب مستقلہ آماخہ قادریہ اولورمی. الجواب : اولماز.

*
* *

دعویٰ :

ہند زوج مطلق زیددن «ذمتکدہ شو قدر غروش مہر حقم وارد» دیودعویٰ وزید
«سن حین تطلیقہ محضر شہودہ بندہ اصلاً آلا جعک اولمادیغنی طوعاً اقرار ایتشیدک»
دیودعویٰ ایتد کدہ ہند «اقرار منبرور مواضعہ طریقہ اولمشیدی» دیودعویٰ ومواضعہ بی
تفسیر ایدوب مدعا سنہ اقامہ بینہ ایدیجک زیدی دفعہ قادریہ اولورمی. الجواب : اولور.

*
* *

دعویٰ، حق قرار :

زید اراضی امیریہ دن برتار لای عمروک مواجہہ سندہ اون سنہ ضبط وتصرف ایدوب
عمرو بومدندہ بلاعذر سکوت ایتشیکن حالا عمرو اول تارلا سنین مرقومہ دن مقدم
طاپوایہ نیم تصرفہ ایدی دیوزیددن دعویٰ ایلسہ بلا امر مسموعہ اولورمی. الجواب : اولماز.

*
* *

زید صغیرک عمروایہ ملک عرصہ یہ متعلقہ دعوا بی بعد البلوغ آنجق اون درت سنہ
ترك اولنق استماعہ مانع اولورمی. الجواب : اولماز.

*
* *

مرور زمان :

زید فوت اولوب اوغللری عمرو وبکرایہ قزی ہندی ترك ایتد کدہ جملہ ترکبی
عمرو وبکر قبض ایدوب ہند حصہ سنی آیوب یکرمی بش سنہ مرور ایلسہ حالا ہند

حصه سنی مزبورلردن طلب ایتدکده مزبورلر معترفلر ایکن مجرد یکریمی بش سنه مرور
ایتمکله حَقْ ساقط اولمش اولور دیوب ویرمامکه قادر اولورلرمی. الجواب : اولمازلر.

*
**

دعوی ، مرور زمان :

زید فوت اولوب اوغللری عمرو و بکر ایله قزی هندی ترک ایتدکده جمله ترکیبی
عمرو و بکر قبض ایدوب هند حصه سنی آلیوب قرق سنه مرور ایلسه حالا هند حصه سنی
مزبورلردن طلب ایتدکده مزبورلر معترفلر ایکن مجرد قرق سنه مرور ایتمکله حَقْ
ساقط اولمش اولور دیوب ویرمامکه قادر اولورلرمی. الجواب : اولمازلر.

*
**

زید بروقف دکانه هند وزینبک مواجهه لرنده یکریمی سنه اجاره معجله و مؤجله ایله
متصرف اولوب هند وزینب بومدنده بلا عذر سکوت ایتمش لر ایکن حالا هند وزینب
دکان مرقوم سنین مزبورده دن مقدم اجارتین ایله تصرف زده ایدی دیو زیددن دعوی
ایلسه لر بلا امر مسموعه اولورمی. الجواب : اولمازلر.

*
**

دعوی ، تناقض :

زید متوفانک ورثه سی ترکه دن برمنزلی اقسام ایدوب هریری استیفاء حقه اقرار
ایتدکنصکره ایچارندن عمرو حصه مده غبن فاحش واقع اولشیدی دیو دعوی ایلسه
مسموعه اولورمی. الجواب : اولمازلر.

*
**

شهادت :

زیدک مدعاسنه لایوین عمی اوغلی عمروک شهادتی مقبوله اولورمی. الجواب : اولور.

*
**

ترجیح بیقات :

هند مدیونی زیدی حاکمه حبس ایتدیروب بعده برقاچ آی مرورنده زید افلاسنی
دعوی ایدوب هند دخی زیدک یسارینی دعوی ایدوب ایکی طرف دخی اقامه ینه ایلسه لر
هندک ینه سی اولی اولورمی. الجواب : اولور.

*
**

معاملات جوادیه :

زید محدث دکرمتک صوبی ایچون عمروک تارلاسنک اوست یاننده اولان کندى
یدنده خرق حفر ایدوب صو اجرا ایتدکده خرق ضیق اولمغه صو طاشوب عمروک
تارلاسنی باصوب ضرربینی اولسه عمرو زیده ضرربینی دفع ایتدیرمکه قادر اولورمی. الجواب :
اولور .

*
**

الزام ریح :

زید عمروه قرض ویردیکی آقچه سیچون عمروک اوزرینه برسنه تمامنده اونى اون بر
یحقی حسابی اوزره معامله شرعیه ایله شوقدر آقچه ریح الزام ایدوب سنه تمامنده ریح
مزبورى عمرودن آلسه ریح مزبور زیده حلال اولورمی. الجواب : اولور .

*
**

زید متولیسى اولدیغی نقود موقوفه دن عمروه قرض ویردیکی آقچه ایچون الزام ریح
ایتمدین عمرودن ریح نامنه سنه آلمغه قادر اولورمی. الجواب : اولماز .

*
**

مفقود :

زید مفقودك حقیقه یا حکماً موتی ثابت اولمادین ورثه سی مالنی اقتسامه قادر اولورلری.

الجواب : اولمازلر .

*
**

مفقود اولان زیدك يوم تولدنن طقسان سنه تمامنده حاکم موتنه حکم ایلسه ترکه سی
ورثه سی بینلرنده تقسیم اولنمق جائز اولورمی . الجواب : اولور .

*
**

زید موقع خربده اعدا ایله محاربه ایتدکدنصکره مفقود اولوب حیات و مماتی معلوم
اولماسه زیدك مماتی غالب ظن اوله جق مرتبه مدت مرورندنصکره موتیله حکم اولنمق
صحیح اولورمی . الجواب : اولور .

بوصورتده زیدك موتنه حکمك لحوقندنصکره زوجہ سی هند بعد انقضاء العده نفسی

آخره ترویج و ورثه سی ترکه سی مسئله میراث لری وجهله تقسیم ایتمه قادر اولورلری .
الجواب: اولورلر .

*
**

شیخ:
زید و زوجہ سی هند متعاقباً فوت اولدقلرنده زیدک ورثه سی زید و هندک ساکن اولدقلری منزله اولوب رجال و نسیایه صالحه اولان شو قدر اشیا ایچون ترکه زیددندر دیوب هندک ورثه سی هندک ملکیدر دیوب طرفینک بینهلری اولماسه قول زیدک ورثه سنک اولورلری . الجواب: اولور .

*

زید عمرو ایله مشترکاً برایشی تقبل و التزام ایدوب مذکور ایش یا بلدقدنصکره زید عمروه مصروفک شو قدر غروشددر دیوب عمرو دخی شو قدر غروش زیاده در دیسه عمرو یمینله مصدق اولورلری . الجواب: اولور .

*

**

برجبل مباحدن جریان ایدن صودن ایام صیفده اول جیلده منازل اتخاذا ایدوب ساکنلر اولان کسنلر قدیمدن استعمال ایدوب انتفاع ایده کلشلر ایکن حالا ایچلرندن زید طاپو مأموری عمرو اول صوبی طاپو ایله بکا و یروب تمسک و یردی دیو سائرلری وضع قدیمی اوزره صوبی استعمال و انتفاعدن منعه قادر اولورلری . الجواب: اولماز .

*

**

برجامعک خطیبی فوت اولدقده خطیب نصبنه مأذون اولان زید قاضی نأبی عمروک انہا ایلدیکی خطیب بکره صلاة جمعه و عیدین اقامته اذن و یروب بکر دخی صلاة جمعه و عیدینی اقامت ایلسه صحیح اولورلری . الجواب: اولور .

*

**

عساکر اسلامیه دن نہار رمضان شریفده خدمات عسکریه نک شاقه اولان قسمی اجرایه مجبور اولانلر صائماً خدمات مزبورده بولندقلری تقدیرده شدت حرارتدن ناشی هلاک یا نقصان عقل قورقوسی غالب ظن اولیجق بعده قضا ایلک اوزره افطار ایللری جائز اولورلری . الجواب: اولور .

*

**

زید عمی اوغللری عمرو و بکرك عیاللرنده ایکن مزبورلره کار و کسبنده معاونت ایدوب بر مقدار مال حاصل اولسه زید مجرد اعاتمله حاصل اولدی دیو مزبورلره اول مالده مشارکته قادر اولورمی. الجواب : اولماز.

*
* *

زید هنده نامزد اولدقدن هنده نشان نامنه شو قدر اشیا اهدا ایدوب بعده هندی تزوجدن فارغ اولسه زید اشیا مزقومه یی قائمه اولیجق هندن استرداده قادر اولورمی. الجواب : اولور.

*
* *

یلکن کیسنگ ریخ معتدل ایله اقصر ایامده اوچ کونده قطع ایده بیله جکی بره سافه یه رمضانده سفر مراد ایدن کیسه نك سفرده بولندفجه حرکت ایتدیکی کوندن ماعداسنده بعده قضا ایتک اوزره افطار ایتسی جائز اولوب صائم اولسی کنیدیسی ایچون خیرلی اولورمی. الجواب : اولور.

*
* *

زید برجهته براتله متصرف ایکن جهت مزبوره زیدک رفعدن براتله عمروه توجیه اولنسه زید مجرد مقدما اوزرمده ایدی دیو جهت مزقومه یه مداخله یه قادر اولورمی. الجواب : اولماز.



اجوبه شرعیه

« مکتب معلمانیه وقوعبولان تخصیصک تخصیص صحیح عد اولنه جفته دائر » [*]

اراضی امیریته دن برقطعه نك طرف پادشاهیدن وقفه وقفه ارصادی اطلاق اولنور. بروجه مشروح بیت الماله عائد ارض میری طرف پادشاهیدن مکتب معلمی کی جانب

[*] وقوعبولان سؤال اوزرینه فتواخانه عالی دن وریلان جوابدر .